



Republika e Kosovës

Republika Kosovo / Republic of Kosovo

Komuna e Rahovecit

Opština Orahovac / Municipality Rahovec



REPUBLIKA E KOSOVËS
REPUBLIKA KOSOVA

KOMUNA E RAHOVECIT - OPŠTINA ORAHOVAC

Drejtoria për Bujqësi, Pylltari dhe Zhvillim Rural
Direktorat za Poljoprivredu, Šumarstvo i Rur.Razvoj

Drejtoria për Bujqësi, Pylltari dhe Zhvillim Rural

-XI- Nr. i prot. 12 Më 20.01.2019
Br. prot. Dt.



RAPORTI VJETOR I PUNËS

2019



Drejtoria e BPZHR-së

Janar 2019

Rahovec

Përmbajtja

I. HYRJE	3
II. AKTIVITETET NË PERIUDHËN: JANAR - DHJETOR	3
1 Tremujori i parë: janar, shkurt, mars	3
2 Tremujori i dytë: prill, maj, qershor	4
3 Tremujori i tretë: korrik, gusht, shtator	6
4 Tremujori i katër: tetor, nëntor, dhjetor	7
III. PROJEKTET E INVESTIMEVE KAPITALE	8
IV. PËRFUNDIM.....	9

I. HYRJE

Një ndër sektorët kryesor të cilët kontribuojnë dukshëm në zhvillimin e përgjithshëm ekonomik të vendit është Bujqësia dhe Zhvillimi Rural, për këtë arsye mbështetja (përkrahja) për investimet në fermat/ekonomitë bujqësore është e një rëndësie vendimtare për të përmirësuar sektorin e Bujqësisë dhe Zhvillimit Rural në Rahovec, për të rritur prodhimtarinë dhe cilësinë e produkteve, kualitetin, vlerën e prodhimit, fermerëve i nevojitet edhe përkrahja e cila është duke u bërë në mënyrën më të mirë, duke pasur si qëllim përafrimin e nevojave si dhe rritjen e standardeve.

Komuna e Rahovecit përmes politikave dhe strategjive zhvillimore është orientuar në mbështetje të faktorëve të prodhimit, në stimulimin e fermerëve dhe në krijimin e një ambienti sa më të favorshëm zhvillimor. Këto politika dhe strategji janë duke krijuar mundësi që të arrihet një zhvillim i qëndrueshëm dhe një shfrytëzim shumë më efikas i resurseve natyrore të cilat i posedon komuna jonë.

Shumica e fermave bujqësore në vendin tonë janë të masës së madhe andaj nevoja për rritjen e nivelit të bashkëpunimit ndërmjet bujqve dhe prodhuesve luan një rol shumë të rëndësishëm në mënyrë që të përmbushen nevojat e tregut.

Bazuar në faktin se shumica e prodhimeve konsumohet drejtpërdrejtë nga familja në fermë, lind nevoja për përkrahje të investimeve në asetet fizike të fermave që kanë orientim komercial dhe janë në gjendje të sigurojnë të ardhura të qëndrueshme.

II. AKTIVITETET NË PERIUDHËN: JANAR - DHJETOR

Fillimi i vitit është karakterizuar me përpilimin e planit të punës për vitin 2019, plani i hartuar është mjaft ambicioz i cili ka ngërthyer në vete aktivitete të shumta në kuadër të drejtorisë së bujqësisë. Në kuadër të këtij plani është bërë edhe planifikimi i aktiviteteve, i ndarë në periudha tremujore.

Në kuadër të drejtorisë së BPZHR-së, nga janari janë realizuar një mori aktivitete. Ndër më kryesoret do të paraqiten të specifikuar sipas kohës në të cilën kanë ndodhur i ndarë në periudha tremujore.

1. Tremujori i parë: janar, shkurt, mars

Pranim i aplikacioneve për subvencionim të qumështit për tremujorin e katërt të vitit 2018 për fermerët blegtor (MBPZHR hap thirrjen në baza 6 mujore, Drejtoria e BPZHR-së pranon aplikacionet dhe të njëjtat i dorëzon në Ministri për pagesë).

Po ashtu jemi përgatitur dhe kanë përfunduar me kohë procedurat për rritje të stafit në drejtori për pagesa direkte (janë pranuar 5 zyrtarë të rinj me kontratë për punë specifike të cilët janë trajnuar dhe aftësuar për përdorim të programit të ministrisë gjatë procesit të aplikimit dhe digjitalizimi i parcelave),

Në këtë periudhë, në bashkëpunim me organizatën IADK me të cilën kemi të nënshkruar marrëveshje bashkëpunimi kemi implementuar disa projekte si:

- Projekti për trajnim të të rinjëve në sektorin e bujqësisë për grupmoshat 18-29 vjeç,
- Aplikimi dhe shpërndarja e granteve për të riatdhesuarit,
- Grantet në sektorin e Bimëve Mjekësore Aromatike – BMA.

Në bashkëpunim me Qendrën Grumbulluese “Agrocelina” është organizuar takim me fermerë të komunës sonë. Në këtë takim është paraqitur planifikimi i QG “Agrocelina” për vitin 2019 dhe u është prezantuar oferta për eksport fermerëve në mënyrë që të lidhen kontratat me këtë Qendër Grumbulluese.

DBPZHR ka ndërmarr masat dhe është përgatitur me kohë për hapjen e thirrjeve nga MBPZHR për pagesa direkte (jemi kujdesur që të furnizohemi me material administrativ për të përballuar fluksin e madh të fermerëve),

Lidhur me pranimin e aplikacioneve, për herë të parë kemi kryer të gjitha përgatitjet rreth funksionalizimit të zyrave në dy qendrat më të mëdha të komunës sonë për aplikim të fermerëve, atë në Ratkoc dhe Krushë e Madhe. Me kohë jemi pajisur me qasjet e nevojshme në të gjithë softwerët që janë të lidhur me plotësim të dokumenteve që kërkohen nga MBPZHR. Po ashtu leje e veçantë nga Agjencioni Kadastral i Kosovës për mundësinë e nxjerrjes së dokumenteve të pronësisë edhe në këto dy qendra. E gjithë kjo me të vetmin qëllim për t’iu lehtësuar fermerëve të komunës sonë këtë proces.



Foto: Vizita e kryetarit në Krushë të Madhe e Ratkoc, përcjellja e procesit të aplikimit të fermerëve

Ky proces i fazës së aplikimit edhe pse i planifikuar që të fillojë me 15 shkurt për arsye që nuk varen nga niveli lokal është shtyrë për një fazë të mëvonshme.

Të gjitha aplikacionet e pranuar nga fermerët janë kontrolluar, kompletuar dhe janë dërguar në AZHB për pagesë.

Në sektorin e blegtorisë, në bashkëpunim me Agjencionin e Ushqimit dhe Veterinës është kryer repelimi i kafshëve të komunës sonë për parandalimin dhe mbrojtje nga rriqrat (gjithsej 6,147 gjedhe, 12,140 dele dhe 1,402 dhi në 33 fshatra dhe qytet).

Në bashkëpunim me drejtorinë për Gjeodezi, Kadastër dhe Pronë, janë zhvilluar procedurat për dhënie të pronës komunale me qira. Janë shpallur ankande publike dhe pasi janë përfunduar procedurat janë lidhur edhe kontratat me qiramarrësit.

2. Tremujori i dytë: prill, maj, qershor

Duke u bazuar në planin vjetor të punës në këtë tremujor kemi hapur thirrjet për aplikim të fermerëve për grante të vogla komunale.

Më 26 prill kemi hapur thirrje për pranim të aplikacioneve për mekanizëm bujqësor, thirrja ka qëndruar e hapur deri më 24 maj. Gjatë kësaj periudhe janë pranuar gjithsej 844 aplikacione, për 12 pajisje bujqësore për sektorë të ndryshëm si: vreshtari, perimtar, blegtori, bletari etj.

Kemi formuar komision për vlerësim të këtyre aplikacioneve dhe është bërë përzgjedhja e fermerëve përfitues. Njëkohësisht janë zhvilluar edhe procedurat e tenderimit për furnizim të këtyre pajisjeve bujqësore.



2.1 Tabela 1. Numri i planifikuar për furnizim i pajisjeve bujqësore

Pershkrimi i pajisjes	Te planifikuara
Frez 1.6	30
Frez 1.8	25
Frez 3.0 m	10
Mulqera për Hardhi	30
Spërkatëse 500 L	50
Kultivator	80
Shpërndarëse Plehu	50
Makina mjelëse	30
Pompe për Ujitje	30
Moto kultivator 4.00-4.4 kw	350
Pllug 775	100
Atomizer 340	10
Spërkatëse 500 L	50
Koshere për bletë	500

Vendimi i Qeverisë së Republikës së Kosovës për dëmshpërblim të fermerëve dhe ndarja e mjeteve prej 1 milion Euro ka aktualizuar temën e dëmeve të shkaktuara gjatë vitit 2018. Përpilimi i listave, pranimi i dokumenteve dhe dërgimi i tyre në Ministri të Financave ka karakterizuar tremujorin e dytë të këtij viti. Deri më tani janë kompensuar 1,224 fermer, po ashtu janë trajtuar mbi 100 raste të ankesave të cilat janë verifikuar dhe shqyrtuar nga komisioni.

Duke e parë që fermerët e komunës sonë gjatë viteve të kaluara kanë hasur në vështirësi në kompletim të dokumenteve dhe hartim të projekteve, ne kemi marr përsipër që t'iu dalim në ndihmë fermerëve duke

asistuar dhe këshilluar fermerët për mënyrën e aplikimit, kompletim të dokumenteve dhe hartimin e projekteve.

Për këtë arsye, ne si komunë për herë të parë kemi ndërmarrë që projektet të kryhen në kuadër të drejtorisë dhe janë pa pagesë. Gjatë kësaj kohe kemi zhvilluar procedurat për shpallje të tenderit si dhe është lidhur kontrata për “Konsulencë dhe hartim i projekteve për fermer” që do të aplikojnë për grante në ministri. Faza e aplikimit ka filluar më 1 qershor, janë trajtuar mbi 300 fermer ku prej tyre 54 janë kompletuar dhe dorëzuar në AZHB për sektor të ndryshëm.

Si rezultat i përgatitjes së projekteve kemi arritur të jemi përfitues mbi 1 milion euro, e po ashtu edhe për mungesë të fondeve 1 milion të tjera janë në listë të pritjes. Komuna jonë si asnjëherë më parë ka arritur të përfitoj: serra, stalla, projekte në pemishte, projekte në përpunim etj.

Në kuadër të zyrës këshillimore e cila ka lidhje direkte me MBPZHR, janë organizuar trajnime për fermer, kryesisht në sektorin e blegtorisë dhe të bletarisë. Ndërkohë në periudhën e dytë të vitit duke u bazuar në planin e hartuar nga MBPZHR do të mbahen edhe trajnime në sektorët e perimkulturës dhe të vreshtarisë.

Po ashtu edhe këtë vit muaji maj dhe qershor janë përcjellë me shira të rrëmbyeshëm dhe breshër.

Kemi formuar komision për vlerësim të dëmeve që u janë shkaktuar fermerëve, kemi grumbulluar të dhënat, janë llogaritur vlerat dhe është përpiluar raport detal për vlerën e këtyre dëmeve.

Raporti i përfunduar së bashku me kërkesën për dëmshpërblim është dorëzuar në MBPZHR.



Foto: Gjatë vizitës te fermerët e dëmtuar

3. Tremujori i tretë: korrik, gusht, shtator

Tremujori ka filluar me përgatitjet rreth fushatës së korrjesirjeve. Jemi përgatitur me kohë dhe është formuar shtabi i cili ka monitoruar dhe ka mbajtur evidenca duke e përmbyllur me raport përfundimtar detal lidhur me rendimentin dhe cilësinë e grurit.



Në këtë periudhë kanë filluar edhe përgatitjet për organizimin e festave komunale që kanë për qëllim promovimin e produkteve bujqësore të komunës sonë. Festa e vjeljes së rrushit në qytet dhe Agrofesta në Krushë të Madhe mbledhën numër rekord të vizitorëve fal organizimit të mirë të komunës sonë.



Foto: Organizimi i festave për promovimin e produkteve bujqësore.

Pasi kanë përfunduar të gjitha procedurat rreth projektit të Përkrahjes së fermerëve me mekanizëm bujqësor, në muajin shtator ka filluar edhe shpërndarja e tyre. Paraprakisht kemi lidhur katër kontrata me operatorë të ndryshëm për furnizim me pajisje, e po ashtu janë ftuar fermerët që të lidhin kontratë me komunën dhe janë kryer edhe participimet e fermerëve duke u bazuar në marrëveshjen me komunën.

Në planin vjetor të punës kemi paraparë edhe hapjen e thirrjes për aplikim të fermerëve në sektorin e blegtorisë për projektin e ndërtimit të stallave dhe fermave për fermer.

Është dizajnuar dhe hartuar projekti për stalla, janë zhvilluar procedurat e tenderimit dhe kemi arritur që të lidhim kontratë për ndërtimin e stallave.

Tabela 2. Numri i stallave për ndërtim për fermer

Përshkrimi	Të planifikuara
Stalla për lopë (deri 8 krerë)	10
Stalla për shpeztari (deri 2000 copë)	5



4. Tremujori i katër: tetor, nëntor, dhjetor

Gjatë kësaj periudhe kryesisht aktivitetet ishin rreth shpërndarjes së pajisjeve bujqësore për fermer dhe theks i veçantë kishte përcjelljen e investimeve kapitale.

Në sektorin e pylltarisë është shënuar Dita Ndërkombëtare Pyjeve - Në bashkëpunim me Asociacionin e Pronarëve Privat të Pyjeve është organizuar Dita Ndërkombëtare e Pyjeve, janë siguruar 1,000 fidane për komunën e Rahovecit të cilat janë mbjellur në lokacione ku janë përkujtuar të rënë për liri me moton " Një fidan, një kujtim".




Po ashtu duke u bazuar në planin për rritje të sipërfaqeve me pyje të reja të aprovuar nga Agjencioni Pyjor i Kosovës, është përkufizuar lokacioni në vendin e quajtur Boka dhe janë pyllëzuar 20 ha me pyje të reja.

Pranimi dhe përgjigje ndaj kërkesave të ndryshme nga qytetarët si dhe shërbime të tjera në kuadër të drejtorisë si: Vërtetim për fermer, NIF, ndërrim i destinimit të tokës bujqësore, vlerësim të dëmeve të shkaktuara në sektorin e bujqësisë etj.

4.1 Tabela 3. Te hyrat ne drejtorinë e Bujqësisë

Përshkrimi i të hyrave	Vlera totale
Participimi	98,340.96
Ndërrimi i destinimit të tokës	10,067.00
Qiraja e tokës bujqësore	1,651.85
Taksa administrative për fletëkërkesë	1,058.00
Te hyrat nga pyjet	131.70



III. PROJEKTET E INVESTIMEVE KAPITALE

Qysh në fillim të vitit kanë rifilluar punimet në projektet ku kemi trashëguar kontrata nga viti 2018 me Operatorët Ekonomik.

- Me përmirësimin e kushteve klimatike ka rifilluar ndërtimi i serrave nga Operatori Ekonomik që ka kontratë me komunën e Rahovecit. Në qershor ky projekt ka përfunduar dhe janë ndërtuar gjithsej 117 serra.

Vazhdimisht janë përcjell punimet në terren dhe kemi formuar komision të veçantë për verifikim se a është punuar dhe mbjell me perime.

Komisioni ka nxjerrë raport dhe janë verifikuar të gjitha.



- Projekti për uljen e nivelit të përroit në fshatin Celinë, projekti ka vazhduar edhe përkundër faktit se gjatë punimeve janë shfaqur disa probleme, si është rasti me nënkalimin të hekurudha, pengesat e gypave të sistemit të ujitjes, por që tani janë tejkaluar dhe projekti ka përfunduar.

- Projekti “Ndërtimi i infrastrukturës për festivalin dhe tregun e rrushit” janë kryer të gjitha pozicionet dhe është pranuar teknikisht ky projekt. Kanë filluar procedurat për fazën e dytë, janë zhvilluar procedurat dhe është lidhur kontratë e re për ndërtimin e shtëpizave (tezgave) prej druri që shërbejnë për ekspozim dhe shitje të produkteve bujqësore si dhe disa pozicioneve të tjera.
- Projekti i kullimit të tokave bujqësore në Xërxë, Banorët kanë parashtruar kërkesë që kanali në segmentin përgjatë rrugës të ndërtohet i mbyllur. Ne e kemi aprovuar këtë kërkesë pasi kemi konsideruar se përmban arsyeshmëri, projekti është duke vazhduar sipas planit dinamik të paraqitur nga operatori ekonomik. Deri më tani kanë përfunduar dy krahë të projektit dhe ka mbetur pjesa e fundit nga magjistralla Rahovec - Xërxë deri te hekurudha.
- Projekti i kullimit të tokave bujqësore i nisur qysh në 2013 tani ka marr formë dhe gjatë këtij viti ka pasur zhvillime të theksuara, është punuar në kanalin kryesor në krahun 1 i cili është në përfundim dhe gjatë vitit 2020 ky projekt do të përfundoj i tëri.
- Ndër projektet më me interes për fermer është konsideruar Rregullimi dhe mirëmbajtja e rrugëve fushore. Kemi zhvilluar procedurat dhe kemi arritur që këtë projekt ta ndajmë me LOT, kemi lidhur tre kontrata dhe në tetor kanë filluar punimet. Duke u bazuar në planin dinamik gjatë vitit 2019 kemi arritur që të rregullojmë shumë rrugë fushore. Ky projekt do ta ketë edhe peshën kryesore edhe gjatë vitit të ardhshëm.



Për mes këtij projekti do të arrijmë që të jemi në çdo vendbanim pasi që kontratat e lidhura kanë përfshi rreth 75 km rrugë përmes së cilave do të iu krijojmë fermerëve punëtor qasje më të lehtë në pronat e tyre.

IV. PËRFUNDIM

Ky raport përmbledhës paraqet thekset kryesore të aktiviteteve që kanë ndodhur gjatë kësaj periudhe raportuese.

Duke u bazuar në planin e punës kemi devijim nga ajo çka ne kemi planifikuar pasi që periudha e parë që përfshinë muajt janar, shkurt dhe mars kemi paraparë që të zhvillohet procesi i aplikimit për pagesa direkte - subvencione në kuadër të MBPZHR-së, dihet se hapja e fazës së aplikimit këtë vit është e vonuar nga ana e ministrisë dhe si rezultat i kësaj ka edhe mospërputhje me planin vjetor të punës

Kontakti me qytetarët dhe me grupet e interesit për të trajtuar dhe zgjidhur së bashku kërkesa, nevoja dhe interesa të tyre, është i vazhdueshëm.

Po ashtu vizitat në terren si gjatë realizimit të projekteve e po ashtu edhe direkt të fermerëve në sektor të ndryshëm nuk kanë munguar.

Kemi krijuar raporte të mira me OJQ-të, me grupe të ndryshme, profesionist të fushave, me theks të veçantë ingjinier të bujqësisë ku kemi pranuar këshilla, vërejtje dhe ide në mënyrë që të përmirësohemi dhe të zhvillojmë bujqësinë përditë e më mirë.

31.12.2019
Rahovec

